

## **Служба священномученику Михаилу Воскресенскому, пресвитеру (6 сентября, 8 ноября н.ст.)**

**На Господи, воззвах: стихиры, глас 1.**

Прехвальне священномучениче Михаиле,/ ты ни темница изнурила  
есть,/ ни глад уморил,/ ни озлобления и раны смятоша,/ во еже разлучити  
тя от любви Божия/ и благодарованныя паствы./ Темже Христу, святе,  
молися/ даровати Церкви нашей// мир и велию милость.

Всехвальне священномучениче Михаиле,/ от братьей по плоти  
страдания до крове претерпевая,/ в себе помышлял еси,/ яко Господа  
ради умерщвляеми есмы/ и несть наша брань противу плоти и крови,/ но  
к миродержителю тьмы века сего./ Темже Христу, святе, молися,  
даровати земли нашей// мир и велию милость.

Преславне священномучениче Михаиле,/ ты жертву безкровную/  
первее благоговейне совершая,/ послежде, яко всеплодие,/ себе самого в  
жертву живую принёс еси,/ моля, да простится грех богоборчества  
народа нашего./ И ныне Христу, святе, молися/ даровати людем  
российским// мир и велию милость.

**Слава, глас тойже:**

Церкве Россійския славо/ и Отечества нашего украшение,/   
священномучениче Михаиле,/ властью, от Бога тебе данною,/ ругатели  
безбожные обличал еси,/ и, яко волки лютыя, от стада твоего отгнал еси/  
и диавола посрамил еси,/ кровь же твою, яко Авелева,/ от земли нашея  
вопиет немолчно./ Сего ради ходатай на Небеси о нас верен буди// и моли  
спастися душам нашим.

И ныне, Богородичен: Всемирную славу:

Вход. Прокимен дне. И чтения три.

**Деяний святых апостол чтение (глава 4):**

Во дни оны, глаголющим же апостолом к людем,/ найдоша на них  
священники и воевода церковный, и саддукеи,/ жалеюще си, за еже учити  
им люди и возвещати о Иисусе воскресение мертвых;/ и возложивша на  
них руки и положивша их в соблюдение до утра:/ бе бо вечер уже./  
Мнози же от слышавших слово вероваша:/ и бысть число мужей яко

ты́сящъ пѣть./ Бысть же наутрие собратися княземъ ихъ, и старцемъ, и книжникомъ во Иерусалимъ:/ и Анне архиереею, и Каиафе, и Иоанну, и Александру,/ и елицы бѣша отъ рода архиерейска./ И, поставльше ихъ посреде, вопрошаху:/ кою силою, или коимъ именемъ сотвористе сие вы?/ Тогда Петръ, исполнивъ Духа Свята, рече къ нимъ:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чемъ сей спасеся,/ разумно буди всемъ вамъ и всемъ людемъ Израилевымъ,/ яко во имя Иисуса Христа Назорея,/ Егоже вы распясте,/ Егоже Богъ воскреси отъ мертвыхъ,/ о семъ сей стоитъ предъ вами здравъ./ Сей есть камень, укоренный отъ васъ, зыждущихъ,/ бывый во главу угла,/ и несть ни о единомъ же иномъ спасения;/ несть бо иного имени подъ небесемъ, даннаго въ человецехъ,/ о немъже подобаетъ спастися намъ.

#### **Деяний святыхъ апостолъ чтѣние (глава 4):**

Во дни оны, видяще иудеи Петрово дерзновение и Иоанново и разумевше,/ яко человека не книжна естъ и проста, дивляхуся,/ знаху же ихъ, яко со Иисусомъ бѣста;/ видяще же исцелѣвшаго человека съ нимъ стояща,/ ничтоже имяху противу рещи./ Повелевше же има вонъ изъ сонмища изыти,/ стязавшася ко другъ другу, глаголюще:/ что сотворимъ человека сима?/ Яко убо нарочитое знамение бысть има,/ всемъ живущимъ во Иерусалимѣ яве,/ и не можемъ отрещися;/ но да не болѣе прострѣтся въ людехъ,/ прещениемъ да запретимъ има кому не глаголати о имени семъ ни единому отъ человекъ./ И призавше ихъ,/ заповѣдаша има отнюдь не провещавати, ниже учити о имени Иисусове./ Петръ же и Иоаннъ, отвѣщавше къ нимъ, рѣста:/ аще праведно естъ предъ Богомъ/ васъ послушати паче, нежели Бога?/ Судите: не можемъ бо мы, яже видехомъ и слышахомъ, не глаголати./ Онѣ же, призапрещше има, пустиша я,/ ничтоже обрѣтше, како мучити ихъ, людей ради,/ яко вси прославляху Бога о бывшемъ:/ летъ бо бѣше множае сорокъ человекъ той,/ на немъже бысть чудо сие исцеления.

#### **Деяний святыхъ апостолъ чтѣние (глава 4):**

Во дни оны, отпущена бывша апостола приидоста ко своимъ и возвестиста,/ елика къ нимъ архиереи и старцы рѣша./ Онѣ же, слышавше, единодушно воздвигоша гласъ къ Богу и рекоша:/ Владыко, Ты, Боже, сотворивый небо и землю и море и вся, яже въ нихъ,/ Иже усты Давида, отрока Твоего, рече:/ вскую шатахася языцы и людие поучишася

тщётным?/ Предста́ша ца́рие зёмстии,/ и кня́зи собра́шася вку́пе на Го́спода и на Христа́ Егó./ Собра́шася бо войсти́ну во гра́де сем на свята́го О́трока Твоего́ Иису́са,/ Егóже пома́зал еси́,/ Ёрод же и Понти́йский Пилáт, с язы́ки и людьми́ израи́левыми,/ сотвори́ти, елика́ рука́ Твоя́ и совет́ Твой предна́рече́ быти./ И ны́не, Го́споди, при́зри на преще́ния их/ и даждь рабо́м Твои́м со вся́ким дерзнове́нием глаго́лати сло́во Твое́,/ внегда́ ру́ку Твою́ простре́ти Ти во исцеле́ния,/ и зна́мением и чуде́сем бывáти и́менем святы́м О́трока Твоего́ Иису́са./ И помоли́вшимся им, подви́жеся ме́сто, иде́же бя́ху со́брани,/ и испо́лнишася вси Ду́ха Свя́та,/ и глаго́лаху сло́во Бо́жие со дерзнове́нием.

### **На стихóвне стихи́ры, глас 6.**

Столп непоколебимый Ру́сския Цёркве был еси́,/ гоне́ния лю́тая претерпева́я,/ день и ночь в моли́тве подви́зался еси́,/ священномучени́че Михаи́ле,/ огнём ре́вности и ду́хом кро́тости/ па́ству твою́ ко Христу́ путево́дя,// тем тя любóвию почита́ем.

**Стих: Священни́цы Твоя́ облеку́тся в пра́вду// и преподо́бнии Твой возра́дуются.**

Ве́рен Бо́гу и Цёркви был еси́ да́же до сме́рти,/ священномучени́че Михаи́ле,/ ны́не же, с ли́ки новомучени́ков и испове́дников Росси́йских/ предсто́я Христу́ Царю́,/ моли́ся с ни́ми приле́жно/ дарова́ти нам мир// и ве́лию ми́лость.

**Стих: Честна́ пред Го́сподем// смерть преподо́бных Егó.**

Душе́вная и теле́сная страда́ния твоя́/ и сме́рть за Го́спода во́льная от безбо́жных/ отверзо́ша ти, свя́те Михаи́ле,/ врата́ жи́зни ве́чныя/ и укрепи́ша бра́тий твои́х испове́дати Христа́./ Те́мже Ему́ моли́ся при́сно,// да утверди́тся Правосла́вие на Руси́ во ве́ки.

### **Сла́ва, глас 4:**

А́нгели страда́нием твои́м дивля́хуся,/ и Цёрковь Небе́сная ра́достно тя при́ят,/ достохва́льне Михаи́ле./ Ны́не же, священнеи́ ру́це твой/ к Престо́лу Святы́я Тро́ицы протира́я,/ помина́й зе́млю Ру́сскую,/ ю́же возлюбил еси́,// моля́ о спасе́нии сла́вящих тя благоче́стно.

## **И ны́не, Богоро́дичен, глас то́йже:**

При́зри на моле́ния Твои́х раб, Всенепоро́чная,/ и вся́кия ско́рби изба́ви зе́млю Ру́сскую,/ до́м Твой наре́ченную/ и крове́мь ново́мученик освяще́нную./ Да не постыди́мся, Влади́чице Держа́вная,/ Ты призыва́ющей,/ Ты бо еси́ правосла́вных по́мощь,/ ра́дость и покрóв// и спасе́ние душ на́ших.

## **Тропа́рь, глас 3:**

Цер́кве Ру́сския сто́лпе непоколеби́мый,/ благоче́стия пра́вило,/ жити́я ева́нгельскаго о́бразе,/ священномучени́че Михаи́ле,/ Христа́ ра́ди пострада́вый да́же до кро́ве,/ Егóже моли́ усер́дно,/ я́ко Нача́льника и Соверши́теля спасе́ния,/ Русь Святу́ю утверди́ти в Правосла́вии// до сконча́ния ве́ка.

## **НА УТРЕНИ**

### **По стихослóвии седа́лен, глас 6:**

Сквозе́ огонь муче́ния, я́ко свиде́тель ве́рный, проше́л еси́,/ блаже́нне Михаи́ле,/ сего́ ра́ди с ли́ки святы́х земли́ Ру́сския/ в Небе́сном Оте́честве торже́ствуеши./ Помози́ и нам бы́ти ве́рным Христу́ и спастися ду́шам на́шим.

### **Сла́ва, и ны́не, Богоро́дичен:**

О Всепе́тая Де́во,/ Ты ве́мы Покрóв земли́ Ру́сския,/ Тебе́ бо, грешни́и, има́мы предста́тельство,/ Тебе́ стяжа́хом в напа́стех спасе́ние,/ Еди́ну Всенепоро́чную.

### **Велича́ние:**

Велича́ем тя,/ священномучени́че Михаи́ле,/ и чтим честна́я страда́ния тво́я,/ я́же за Христа́ во утвержде́ние на Руси́ Правосла́вия// претерпе́л еси́.

Псалом избра́нный:

1-й лик: Бог нам Прибе́жище и Си́ла.

2-й лик: Го́споди, воздвигни си́лу Твою́ и прииди́, во е́же спасти́ ны.

1-й лик: Глаго́лах о свиде́ниях Твои́х пред ца́ри и не стыдя́хся.

## **По полиелѣи седáлен, глас 1:**

Дóблйи страдáльче и служíтелю Та́ин Бóжиих,/ священномúчениче  
Михаиле,/ Цѣркве Рýсскія похвалó и утверждѣние,/ нýне, прáзднующе  
твою́ пáмьять,/ Бóгу, прослáвльшему тя, благодарственнó вопиѣм:/ слáва  
Дáвшему ти крѣпость во страдáниих,/ слáва Венчáвшему тя,/ слáва  
Спасáющему нас тво́ими молíтвами.

Слáва, и нýне, Богорóдичен:

Предстáтельница тѣплáя и Застúпнице усѣрдная,/ в годíну безбóжия  
от конѣчныя погíбели/ зѣмлю Рýсскую избáвльшая всемо́щным  
ходáтайством к Сы́ну Твоемý,/ и нýне не оста́ви нас молíтвами Тво́ими,  
Влады́чице Богорóдице.

Степѣнна, 1-й антифóн 4-го глáса. **Прокíмен, глас 4: Пройдóхом  
сквозѣ́ огонь и вóду,// и извѣл есý ны в покóй.** Стих: Разжѣгл ны есý,  
якоже разжизáется сребрó. Всякое дыхáние: Ева́нгелие от Матфе́я,  
зачáло 36.

## **По 50-м псалмѣ стихíра, глас 6:**

Егда́ попусти́ Господь по грехóм нáшим/ братоубíйство, гонѣния и  
вѣры Христóвы поругáние,/ ты, священномúчениче Михаиле,/ Цѣркве  
Росси́йскія столп непоколебíмый яв́ился есý/ и, кровь свою́ за Христа́  
проли́яв,/ пáству во едíнстве соблю́л есý./ Нýне же, на Небесý предсто́я  
с л́ики новомúчеников,// моли́ спаст́ся душáм нáшим.

**Канóн, глас 4.**

### **Песнь 1**

Ирмо́с: Мóря чермнóю пучíну/ невла́жными стопáми/ дрѣвний  
пешешѣствовав Изра́иль,/ крестообráзныма Моисѣовыма рукáма//  
Амалíкову с́илу в пусты́ни победíл есть.

Вóли Бóжией послушли́в быв,/ священства дар при́ял есý,  
священномúчениче Михаиле,/ и, за Христа́ да́же до смѣрти пострадáв,/   
вѣрный сын Цѣркве яв́ился есý.

Изгнание и разлучение с паствою твоєю мужественно претерпел еси, священномучениче Михаиле,/ но ничтоже возможно разлучити тя от любви Божия.

Безбоязненно проповедовал еси людям покаяние, священномучениче Михаиле,/ да обратят сердца своя к Богу/ и только на Него в скорбех и лишениях упование имеют.

Богородичен: Мати Божия,/ дом Твой, Святая Русь, молит Тя:/ избави люди Твоя от всякия нужды и вечнаго осуждения.

### Песнь 3

Ирмос: Веселится о Тебе Церковь Твоя, Христе, зовущи:/ Ты моя крепость, Господи,// и прибежище, и утверждение.

Егда прииде испытание веры твоея, священномучениче Михаиле,/ страдание за Христа, яко благодатный дар, принял еси/ и кровию твоєю Русскую землю обогатил еси.

Егда прииде гонение от безбожных,/ столп непоколебим Русския Церкви явился еси, священномучениче Михаиле,/ святых, яко ближних родник, в помощь призывая,/ с нимиже купно ныне прославляешься.

Аще и умерщвлен был еси телом, священномучениче Михаиле,/ обаче духом козни диавольския посрамил еси,/ имея Христа прибежище и утверждение.

Богородичен: Тя Предстательницу, Пречистая Дево, молим:/ преложь нашу печаль на радость и скорбилежащая избави, Заступнице наша.

### Седален, глас 3:

Заветы исповедников и священномучеников Христовых восприем,/ душу твою за веру Православную положил еси, святе,/ еюже утверждается земля Русская./ Сего ради молися, священномучениче Михаиле,/ любовью чтущим тя верным Христу до конца быти.

Слава, и ныне, Богородичен:

Не имамы иного прибежища, разве Тебе, Богородице,/ Отчества нашего усердная Заступнице:/ всяк бо, почитая Тя, надежду обретает.

## Песнь 4

Ирмос: Вознесена Тя видевши Цёрковь на Кресте,/ Сólнце Праведное,/ ста в чíне своём,/ достóйно взыва́ющи:// сла́ва си́ле Твоёй, Го́споди.

Да не дерза́ют язы́цы рещи́: где есть Бог ваш?/ Кровь бо новомучеников от земли́ на́шей вопиёт:/ Го́споди, Госпо́дь наш, я́ко чу́дно и́мя Твоё по всей Ру́сстей земли́.

Имже о́бразом жела́ет елénь на исто́чники водны́я,/ си́це ты, страстоте́рпче Михаи́ле, к живonóсным страда́нием за Христа́ прите́кл еси́,/ и́миже прísно свяще́нно обновля́ется лице́ земли́ Ру́сския.

Вся земна́я ни во что вмени́в Христа́ ра́ди,/ сло́вом и жити́ем, священномучени́че Михаи́ле, ве́рных поуча́л еси́:/ о Бо́же сотвори́м си́лу,/ и Той уничи́жит стужа́ющия нам.

Богоро́дичен: Стена́ необори́мая и Покро́в всемо́щный Росси́йским новомучени́ком яви́лася еси́, Пресвята́я Де́во,/ те́мже Тя велича́ем.

## Песнь 5

Ирмос: Ты, Го́споди мой,/ Свет в мир пришёл еси́,/ Свет Святы́й, обраща́й из мра́чна неведе́ния// ве́рою воспева́ющия Тя.

Я́ко луч Со́лнца Пра́вды яви́лся еси́, священномучени́че Михаи́ле,/ и страда́ньми тво́ими мглу́ безбо́жия над Оте́чеством на́шим разсе́ял еси́.

Егда́ безбо́жнии тща́хуся сокры́ти тя в темни́це, священномучени́че Михаи́ле,/ Госпо́дь яви́ тя испове́дника Своего́ всем конце́м земли́ Ру́сския.

Ру́сския Цёркве свети́льниче свяще́нный Михаи́ле,/ кровью́ мучени́ческими неугаси́мо светя́й и у Престо́ла Бо́жия предсто́яй,/ моли́ся о чту́щих тя.

Богоро́дичен: И́же от Де́вы неизрече́нно рождéйся, Го́споди,/ сохрани́ моли́твами Ея́ Цёрковь Твою́,/ Тебе́ сла́вящую правосла́вными гласы́.

## Песнь 6

Ирмós: Пожру́ Ти со гласом хвалéния, Гóсподи,/ Цérковь вопиéт Ти,/ от бесóвския крóве очíщшися/ рáди мýлости от ребр Тво́их// истéкшею Крóвию.

Воспри́йм меч духо́вный, íже есть глаго́л Бóжий,/ безбóжных кóзни сокруши́л еси́, священномúчениче Миха́иле,/ и вся разжéнные стрéлы лука́ваго угаси́л еси́ щито́м вéры Правосла́вныя.

Во священни́цах благочéстно пожíв и мучéния путь терпели́во воспри́йм,/ сугубую мзду на Небесéх обрéл еси́, священномúчениче Миха́иле,/ идéже ева́нгельски прíсно раду́ешися и весели́шися.

Ничтóже возмо́же разлучи́ти тя, богопри́ятне, от любвé Христóвы:/ ни скорбь, ни гонéние, ни смерть,/ вся бо сия́ сýлою Возлю́блышаго тя Гóспода препобеди́л еси́, священномúчениче.

Богорóдичен: Поём Тя, Предста́тельнице тёплая и Засту́пнице христиа́н, Богорóдице Всепéтая,/ я́ко со все́ми святы́ми земли́ Рýсския мо́лиши Сы́на Твоего́ и Бóга на́шего/ обрести́ нам вéлию мýлость.

### Конда́к, глас 2:

**Восхва́лим, вéрнии,/ изряднаго во священни́цах/ и сла́внаго в мýченицах Миха́ила,/ Правосла́вия побóрника и благочéстия ревни́теля,/ земли́ Рýсския кра́сное прозябéние,/ íже страда́нием Небесé дости́же/ и та́мо тёпле мо́лит Христа́ Бóга// спасти́ся душа́м на́шим.**

### И́кос:

Красу́йся и лику́й, Цérковь Рýсская,/ я́ко благопло́дная лоза́ священнаго страда́льца израсти́вшая,/ добропобéдным мучéнием сердца́ вéрных укрепившаго,/ за́поведи Госпо́дни испо́лнившаго и прíсно ева́нгельски учившаго:/ прииди́те, ча́да, послу́шайте мене́,/ не убо́йтесь от убива́ющих те́ло, души́ же не могу́щих уби́ти,/ убо́йтесь же па́че могу́щаго ду́шу и те́ло погуби́ти в геéнне./ Тёмже, священномúчениче Миха́иле, моли́ Христа́ Бóга спасти́ся душа́м на́шим.



## Песнь 7

Ирмос: В пещи авраамстии отроцы персидстей,/ любóвию благочестия пáче,/ нéжели пламенем, опаляеми, взыва́ху:// благословén еси́ в храме славы Твоея, Гóсподи.

Яко триé отроцы, в пещи вавилонстей пламенем объятии, моли́твою не сгара́ху,/ та́ко ты, священномучениче Михаиле, во огни́ мучений благода́тию véру сохрани́л еси́./ Сего́ ра́ди ны́не с новомученики Росси́йскими лику́еши:/ благословén еси́, Бо́же отцév земли́ на́шей.

Якоже дрéвле отроцы, в пещи неопалѧемии, златóму истукáну не поклонѧ́шася,/ та́ко же и ты, священномучениче Михаиле, огнѧ́м мучений неопалѧѧь,/ безбо́жие небо́язненно обличáл еси́, взывáя с новомученики Росси́йскими:/ благословén еси́, Бо́же отцév земли́ на́шей.

Жертву живую́ и всесожжѧ́ние Творцú себе́ самáго принося́, священномучениче Михаиле,/ с новомученики Росси́йскими воспева́л еси́:/ могу́щии, покаря́йтеся, я́ко с нами Бог отцév земли́ на́шей.

Богорóдичен: Я́же пáче ума́ и естества́ Бо́га рóждши, Неискусомужная Марѧ́е,/ чту́щия Тя от враг ви́димых и неви́димых изба́ви,/ Ты бо еси́ земли́ отцév наших Держáва необорѧ́мая.

## Песнь 8

Ирмос: Ру́це распростѧ́р, Даниѧ́л/ львов зия́ния в ро́ве затче́;/ о́гненную же си́лу угаси́ша,/ добродѧ́телию препоя́савшеся,/ благочестия ра́чители отроцы, взыва́юще:// благослови́те, вся дела́ Господня́, Гóспода.

Зѧ́млю Ру́сскую, безбо́жными гонѧ́нии неща́дно жегóмую,/ слезáми и кровью́ твоѧ́ми напоѧ́л еси́, священномучениче Михаиле,/ сего́ ра́ди плоды́ véры, ча́да церко́вная, возрасти́л еси́.

Зло́бы мучи́телей не убо́ялся еси́,/ огнѧ́м любве́ Божѧ́ственныя тѧ́я препобѧ́див,/ тѧ́мже благода́ть моли́тися о нас стяжа́л еси́, священномучениче Михаиле, достохва́льне.

Благословля́я гонѧ́телей твоѧ́х, блаже́нне Михаиле,/ усѧ́рдно моли́лся еси́ за них,/ да пока́ются и кúпно с véрными бра́тиями благословя́т Гóспода.

Богорóдичен: Христá зрящи умерщвляема, Многопéтая Влады́чица,/ и вѣдящи исполнѣние Сѣмеонова проречѣния, слезящи вzywа́ше:/ благословѣн есѣ, Бóже, во вѣки.

## Песнь 9

Ирмóс: Кáмень неруко́сѣчный/ от несекóмыя горы, Тебѣ, Дѣво,/ краеугóльный отсечѣся,/ Христóс, совокупѣвый разстоя́щаяся естества.// Тем, веселя́щаяся, Тя, Богорóдице, велича́ем.

Рука́ми беззако́нных убиѣн,/ жѣртва благоприя́тная и во́льное зако́ление Бóгу принѣслся есѣ, свѣтче Бóжий Михаиле./ Тем благодарне па́мь твою́ почита́ем.

Госпо́дь, исполня́я смотре́ние Своѣ о Цѣркви Ру́сстей,/ заступника́ ты, священномучени́че Михаиле, соде́ла./ Те́мже моли́ся Емú, во благо́честии нам пребыва́ти и спасти́ся душа́м на́шим.

О бездна́ благо́сти Бóжия!/ Дарова́ бо Бог возлю́бленным Свои́м ве́ры ра́ди пострада́ти/ и ты, священномучени́че Михаиле,/ я́ко плод кра́сный спаси́тельнаго се́яния, избра́ от земли́ Ру́сския.

Богорóдичен: Разори́ сове́ты вся, на ны воору́женныя, Ма́ти Бóга Вы́шняго,/ и ра́дости испо́лни упова́ющия на Тя,/ да усер́дно вси Твое́ проповѣ́дуем заступле́ние.

## Свети́лен:

Па́ству хлѣбом сло́ва Бóжия насыща́я/ и вино́м премудро́сти священны́я напо́яя,/ тепло́ю любве́ твоея́ да́ры сѣя́ растворѣл есѣ, священномучени́че Михаиле./ И ны́не вы́соким проповѣ́данием веща́еши ча́дом Цѣркве Ру́сския:/ присту́пите ко Го́споду, и просвети́теся,/ и ли́ца ва́ша не посты́дятся.

Сла́ва, и ны́не, Богорóдичен:

О Тебѣ́ мы хва́лимся, Богороди́тельнице,/ и к Бóгу Тя и́мамы Предста́тельство,/ прости́ ру́ку Твою́ необори́мую/ и сокруши́ враги́ Цѣркве Ру́сския.

## **На хвалітех стихіры, глас 4.**

Дал есі зна́мение/ земли́ Ру́сстей, Го́споди,/ священномученика,  
уго́дника Твоего́, Михаила,/ я́ко да тем умоле́н быва́я,/ отврати́ши  
пра́ведный Твой гнев,/ и не поги́бнет свята́я/ и боголюбівая Русь//  
предста́тельством но́ваго страсоте́рпца.

Же́ртву хвале́ния/ прісно Го́сподеви прино́ся,/ священномучениче  
Михаиле,/ в ко́нec сама́го себё/ в же́ртву жи́ву и святу,/ благоуго́дну и  
соверше́нну предста́вил есі,/ те́мже ти ве́рно вопие́м:/ благоприя́тны  
сотво́ри моли́твы на́ша// о благостоя́нии Це́ркве Ру́сская.

Предста́телю Це́ркве Ру́сская,/ священномучениче Михаиле  
всехва́льне,/ вѣну зря́ Лице́ Го́спода на Небесе́х,/ не прѣзри ни еди́наго/  
от ма́лых чад ея́,/ но ра́достно покая́ние на́ше приими́/ и моли́ прісно//  
сыно́вом Росси́йским спасти́ся.

## **Сла́ва, глас 8.**

О, пресла́внаго чудесе́!/ Я́ко крин посреде́ те́рния,/ в страда́ниих за  
Христа́ процвѣл есі, священномучениче Михаиле,/ да не затми́тся в  
земли́ на́шей свет Правосла́вия/ во открове́ние язы́ком и сла́ву наро́да  
Ру́сского./ И ны́не, в селѣ́ниих ра́йских пребыва́я,/ неувяда́емо  
благоуха́еши// ве́ре твоёй подража́ющим.

## **И ны́не, глас и подóбен то́йже:**

О, пресла́внаго чудесе́!/ Небесе́ и земли́ Цари́ца,/ от святы́х  
сродни́ков на́ших умоля́емая,/ до ны́не зе́млю Ру́сскую покрыва́ет/ и ли́ка  
Своего́ изображе́нии ми́лостивно обогаща́ет./ О Влады́чице Держа́вная!  
Не преста́ни и на бу́дущее вре́мя/ во утвержде́ние на Руси́ Правосла́вия//  
ми́лости и чудеса́ изливáти до ве́ка. Ами́нь.

Славосло́вие вели́кое. И отпу́ст.

## **НА ЛИТУРГІИ**

Блаже́нна от канона, пе́снь 3-я и 6-я.

Прокі́мен, глас 7: Честна́ пред Го́сподем// смерть преподо́бных Его́.  
Стих: Что возда́м Го́сподеви о всех, я́же воздаде́ ми?

Апо́стол к Ри́мляном, зача́ло 99.

Аллилу́ия, глас 2: Священни́цы Твои́ облеку́тся в правду, и преподо́бнии Твои́ возра́дуются. Стих: Бог нам Прибе́жище и Си́ла, Помо́щник в ско́рбех, обрётших ны зело́.

Ева́нгелие от Луки́, зача́ло 106. Конёц: В терпе́нии ва́шем стяжи́те душа́ ва́ша.

Прича́стен: В па́мять ве́чную бу́дет пра́ведник:

### Моли́тва

О избра́нниче и уго́дниче Христóв, священномучени́че Михаи́ле, Це́ркве Ру́сския сто́лпе непоколеби́мый, земли́ на́шей благо́е прозябе́ние и кра́сный плод, сродни́ков твои́х предста́телю и наста́вниче! Ты во вре́мя гоне́ния безбо́жнаго от сокрови́щницы души́ твоея́ спаси́тельное испове́дание Правосла́вныя ве́ры изне́сл еси́, и лю́дем ве́рным па́стырь до́брый яви́лся еси́, ду́шу твою́ за Христа́ и Его́ о́вцы полага́я и лю́тыя во́лки далече́ отгоня́я. Ны́не у́бо при́зри на нас, недостóйных чад твои́х, умиле́нною душе́ю и сокруше́нным се́рдцем тя призыва́ющих. Умоли́ Го́спода Бо́га, да прости́т согреше́ния на́ша и изба́вит от а́довых уз и ве́чнаго муче́ния. Утверди́ нас в ве́ре святе́й, научи́ нас всегда́ твори́ти во́лю Бо́жию и храни́ти за́поведи церко́вныя. Буди́ па́стырем на́шим пра́вило ве́ры, вои́ном вождь духо́вный, боля́щим врач изря́дный, печа́льным утешите́ль, гони́мым засту́пник, ю́ным наста́вник, всем же благосе́рдый оте́ц и те́плый моли́твенник, я́ко да моли́твами твои́ми соблюде́тся в Правосла́вии Свята́я Русь и непреста́нно сла́вится в ней и́мя Пресвяты́я Тро́ицы, Отца́, и Сы́на, и Свята́го Ду́ха, во ве́ки веко́в. Ами́нь.